

REGLUGERÐ

um notkun Skráargatsins við markaðssetningu matvæla.

1. gr.

Gildissvið og skilgreiningar.

Þessi reglugerð varðar notkun merkisins, Skráargatið, við merkingu, auglýsingu og kynningu matvæla.

2. gr.

Skráargatið er valkvætt merki sem leggur áherslu á hollustugildi matvæla innan þeirra flokka sem eru taldir upp í viðauka 2 og byggir á næringarviðmiðum um innihald fitu og sykurs, salts og trefja í matvælum.

3. gr.

Hönnun Skráargatsins.

Grafísk hönnun Skráargatsins er sýnd í viðauka 1. Skráargatinu skal fylgja táknið ® og má nota merkið annaðhvort í grænum lit eða svörtum.

4. gr.

Takmarkanir fyrir notkun.

Sætuefni (aukefni) og ný innihaldsefni eða samþykkt nýfæði á Evrópska efnahagssvæðinu með sætueiginleikum má ekki nota í matvælum sem merkt eru með Skráargatinu.

Matvæli, sem merkt eru með Skráargatinu, mega ekki innihalda meira en 2 grömm af transfitu-sýrum í hverjum 100 grömmum af heildarfitumagni, sbr. reglugerð nr. 1045/2010.

Matvæli, sem eru sérstaklega ætluð börnum undir þriggja ára aldri, sbr. reglugerð nr. 708/2009, má ekki merkja með Skráargatinu.

5. gr.

Skilyrði fyrir markaðssetningu.

Skráargatið má aðeins nota við markaðssetningu forpakkaðra matvæla sem falla undir matvæla-flokka í viðauka 2 og eru í samræmi við þau skilyrði sem eiga við um öll næringarefni sem tengjast viðeigandi matvælaflokki.

Skráargatið má aðeins nota í markaðssetningu matvæla sem eru ekki forpökkuð ef þau falla undir matvælaflokka 12, 18 og 19 í viðauka 2 og eru í samræmi við viðeigandi skilyrði í viðauka-anum.

6. gr.

Öll notkun Skráargatsins við markaðssetningu verður að vera skýr og hún má ekki vera villandi eða blekkjandi fyrir neytendur.

Ef nota á Skráargatið í annars konar markaðssetningu forpakkaðrar vöru en með merkingu á umbúðunum sjálfum (s.s. auglýsingu eða kynningu) skal varan einnig bera merkið á umbúðunum.

7. gr.

Ábyrgð og gjaldtaka.

Matvælafyrirtæki, sem nota Skráargatið við markaðssetningu matvæla, skulu tryggja að notkun þess sé í samræmi við reglugerð þessa.

Ef eftirlitsaðili, sbr. 8. gr., óskar eftir, skal stjórnandi matvælafyrirtækisins leggja fram niður-stöður úr faggiltum prófunum sem staðfesta að notkun merkisins sé í samræmi við viðkomandi skil-yrði í viðauka 2.

Matvælafyrirtæki skal greiða fyrir eftirlit samkvæmt reglugerð þessari í samræmi við 25. gr. laga nr. 93/1995 um matvæli, með síðari breytingum. Það sama á við um prófun opinberra eftirlits-sýna.

8. gr.

Eftirlit.

Matvælastofnun og heilbrigðisnefndir sveitarfélaga undir yfirumsjón Matvælastofnunar fara með eftirlit með því að ákvæðum þessarar reglugerðar sé framfylgt í samræmi við 6. gr. og 22. gr. laga nr. 93/1995 um matvæli, með síðari breytingum.

9. gr.

Þvingunarúrræði og viðurlög.

Um brot gegn reglugerð þessari fer samkvæmt 30. gr., 30. gr. a–e og 31. gr. laga nr. 93/1995 um matvæli, með síðari breytingum.

10. gr.

Lagastoð og gildistaka.

Reglugerð þessi er sett samkvæmt heimild í 18. gr. b og 31. gr. a laga nr. 93/1995 um matvæli, með síðari breytingum.

Reglugerðin tekur þegar gildi.

Atvinnuvega- og nýsköpunarráðuneytinu, 12. nóvember 2013.

Sigurður Ingi Jóhannsson
sjávarútvegs- og landbúnaðarráðherra.

Baldur P. Erlingsson.

VIÐAUKI 1
Grafísk hönnun Skráargatsins:



VIÐAUKI 2

Matvæli sem má merkja með Skráargatinu.1. *Almenn skilyrði fyrir alla matvælaflokkka:*

Matvæli með sætuefnum og ný innihaldsefni eða samþykkt nýfæði á Evrópska efnahagssvæðinu með sætueiginleikum má ekki merkja með Skráargatinu.

Matvæli merkt með Skráargatinu mega ekki innihalda meira en 2 grömm af transfitusýrum í hverjum 100 grömmum af heildarfitumagni.

Í þessari reglugerð þýðir „heilkorn“: heilt fræ korntegundar (kím, fræhvíta og klíð), fræið getur verið malað, brotið eða álika, en fræhluta kornsins skal nota í sömu hlutföllum og eru í heilu korni.

„Korn“ er hveiti, spelt, rúgur, hafrar, bygg, maís, hrísgrjón, hirsí og dúrrutegundir.

2. *Skilyrði fyrir einstaka matvælaflokkka:*

	Matvælaflokkur	Skilyrði
1.	Mjólk og sýrðar mjólkurvörur án viðbættis bragðs.	- fita, hámark: 0,7 g/100 g
2.	Sýrðar mjólkurvörur með viðbættu bragði.	- fita, hámark: 0,7 g/100 g - heildarmagn sykurs, hámark: 9 g/100 g
3.	Jurtavörur sem er litið á sem valkost við vörurnar í vöruflokki 1.	- fita, hámark: 1,5 g/100 g - mettaðar fitusýrur, hámark: 33% af heildarfituinnihaldi. - heildarmagn sykurs, hámark: 5 g/100 g - natríum, hámark: 0,04 g/100 g
4.	Vörur sem eru blanda af mjólk og rjóma sem eru ætlaðar sem valkostur við rjóma og tilsvarendi sýrðar mjólkurvörur sem fyrst og fremst eru ætlaðar til matargerðar. Vörurnar geta verið með viðbættu bragði.	- fita, hámark: 5 g/100 g - heildarmagn sykurs, hámark: 5 g/100 g - natríum, hámark: 0,1 g/100 g
5.	Jurtavörur að hluta eða öllu leyti ætlaðar sem valkostur við vörur í vöruflokki 4.	- fita, hámark: 5 g/100 g - mettaðar fitusýrur, hámark: 33% af heildarfituinnihaldi. - heildarmagn sykurs, hámark: 5 g/100 g - natríum, hámark: 0,1 g/100 g
6.	Ferskur ostur og svipaðar vörur. Vörurnar geta verið með viðbættu bragði.	- fita hámark: 5 g/100 g - natríum hámark: 0,35 g/100 g
7.	Jurtavörur að hluta eða öllu leyti ætlaðar sem valkostur við vörurnar í vöruflokki 8. Vörurnar geta verið með viðbættu bragði.	- fita, hámark: 17 g/100 g - mettaðar fitusýrur, hámark: 20% af heildarfituinnihaldi. - natríum, hámark: 0,5 g/100 g
8.	Aðrir ostar og svipaðar vörur. Vörurnar geta verið með viðbættu bragði.	- fita, hámark: 17 g/100 g - natríum, hámark: 0,5 g/100 g
9.	Fita og fitublöndur til matargerðar, sem falla undir reglugerð ráðsins nr. 1234/2007/EB.	- fita, hámark: 41 g/100 g - mettaðar fitusýrur, hámark: 33% af heildarfituinnihaldi. - natríum, hámark: 0,5 g/100 g
10.	Oliur og fljótandi smjörflíki.	- mettaðar fitusýrur, hámark: 20% af heildarfituinnihaldi. - natríum, hámark: 0,5 g/100 g

	Matvælaflokkur	Skilyrði
11.	Kjöt (beinagrindavöðvar) og lifur úr nautgripum, hestum, svinum, sauðfé, geitum, alifuglum eða villtum dýrum sem hafa ekki verið unnin: en má þó skera, taka í sundur, sneiða, úrbeina, brytja, höggva, hakka, hreinsa, snyrta, kæla, frysta eða þíða.	- fita, hámark: 10 g/100 g
12.	Fiskur, skelfiskur (krabbdýr meðtalin), kræklingar og önnur lindýr sem hafa ekki verið unnin: en má þó skera, taka í sundur, sneiða, úrbeina, brytja, höggva, hakka, hreinsa, snyrta, kæla, frysta eða þíða.	
13.a.	Vörur framleiddar úr að minnsta kosti 50% kjöti (beinagrindavöðva), lifur eða blóði úr nautgripum, hestum, svinum, sauðfé, geitum, alifuglum eða villtum dýrum. Vörurnar mega ekki vera brauðhúðaðar, en mega innihalda sósu eða lög. Hundraðshlutinn á við um þann hluta vörunnar sem er ætlaður til neyslu.	- fita, hámark: 10 g/100 g - heildarmagn sykurs, hámark: 5 g/100 g Skilyrði á við um þann hluta vörunnar sem er ætlaður til neyslu.
13.b.	Vörur sem eru framleiddar úr að minnsta kosti 50% fiski, skelfiski (krabbdýr meðtalin), kræklingum og öðrum lindýrum. Vörurnar mega ekki vera brauðhúðaðar, en þær mega innihalda sósu eða lög. Hundraðshlutinn á við um þann hluta vörunnar sem er ætlaður til neyslu.	- fita önnur en fiskifita, hámark: 10 g/100 g - heildarmagn sykurs, hámark: 5 g/100 g Skilyrði á við um þann hluta vörunnar sem er ætlaður til neyslu.
13.c.	Vörur sem teljast meginpróteinuppistaðan í máltíð eða sem álegg og að minnsta kosti 95% hráefna eru jurtaafurðir. Vörurnar mega ekki vera brauðhúðaðar, en þær mega innihalda sósu eða lög. Hundraðshlutinn á við um þann hluta vörunnar sem er ætlaður til neyslu.	- fita, hámark: 10 g/100 g - heildarmagn sykurs, hámark: 5 g/100 g Skilyrði á við um þann hluta vörunnar sem er ætlaður til neyslu.
14.	Tilbúnir réttir sem falla ekki undir vöruflokk 15, 16 og 17 og eru ætlaðir sem aðalmáltíð og sem innihalda: - 400-750 kkal (1670-3140 kJ) í skammti og - að minnsta kosti 25 g af rótarávöxtum, belgbaunum (utan jarðhneta) og öðru grænmeti og/eða ávöxtum og berjum (kartöflur ekki meðtaldar) miðað við 100 g vöru.	- fita, hámark: 30% af orkuinnihaldi má koma úr fitu. Ef varan inniheldur fisk með fituinnihald yfir 10%, má að hámarki 40% orkuinnihaldsins í vörunni koma úr fitu, en fitan sem kemur ekki úr fiski má að hámarki vera 10 g í skammti. - viðbættur sykur, hámark: 3 g/100 g - natríum, hámark: 0,4 g/100 g
15.	Bökur og hálfmánar (ekki sem eftirrættir) og pítsur að uppistöðu úr korni og sem innihalda: - að minnsta kosti 250 kkal (1050 kJ) í ráðlögðum skammti, og - að minnsta kosti 25 g af rótarávöxtum, belgbaunum (utan jarðhneta) og öðru grænmeti og/eða ávöxtum og berjum (kartöflur ekki meðtaldar) í 100 g vöru. Ennfremur skal kornhlutinn innihalda að minnsta kosti 15% heilkorn reiknað út frá þurrefnisinnihaldi kornhlutans.	- fita, hámark: 30% af orkuinnihaldi má koma úr fitu. - viðbættur sykur, hámark: 3 g/100 g - natríum, hámark: 0,5 g/100 g
16.	Samlokur, smurt brauð, vefjur og svipaðar vörur að uppistöðu úr korni og sem innihalda: - að minnsta kosti 250 kkal (1050 kJ) í skammti, og - að minnsta kosti 25 g af rótarávöxtum, belgbaunum (utan jarðhneta) og öðru grænmeti og/eða ávöxtum og berjum (kartöflur ekki meðtaldar) í 100 g vöru. Ennfremur skal kornhlutinn innihalda að minnsta kosti 25% heilkorn reiknað út frá þurrefnisinnihaldi kornhlutans.	- fita, hámark: 30% af orkuinnihaldi má koma úr fitu. - viðbættur sykur, hámark: 3 g/100 g - natríum, hámark: 0,4 g/100 g

	Matvælaflokkur	Skilyrði
17.	Súpur (tilbúnar vörur og þurrkaðar súpur eftir tilreiðslu í samræmi við leiðbeiningar framleiðanda) og sem innihalda: - að minnsta kosti 150 kkal (625 kJ) í skammti, og - að minnsta kosti 25 g af rótarávöxtum, belgbaunum (utan jarðhmeta) og öðru grænmeti og /eða ávöxtum og berjum (kartöflur ekki meðtaldar) í 100 g af tilbúinni vöru.	- fita, hámark: 30% af orkuinnihaldi má koma úr fitu. - viðbættur sykur, hámark: 3 g/100 g. - natríum, hámark: 0,4 g/100 g
18.	Ávextir og ber sem eru ekki unnin: eigi að síður má hreinsa þá, skera, kæla, frysta eða þíða.	
19.	Kartöflur, rótarávextir, belgbaunir (utan jarðhmeta) og annað grænmeti sem er ekki unnið: eigi að síður má snögghita það, þurrka, skera, kæla, djúpfrysta, þíða eða varðveita í vatni. Vörurnar mega innihalda krydd.	- viðbættur sykur, hámark: 1 g/100 g. - natríum, hámark: 0,2 g/100 g
20.	Brauð og brauðblöndur þar sem aðeins á að bæta við vatni og mögulega geri (fyrir brauðblöndur eiga skilyrðin við fullunna vöru) og sem inniheldur að minnsta kosti 25% heilkorn reiknað út frá þurrefnisinnihaldi vörunnar.	- fita, hámark: 7 g/100 g - heildarmagn sykurs, hámark: 5 g/100 g - natríum, hámark: 0,5 g/100 g - trefjar að minnsta kosti: 5 g/100 g
21.	Hrökkbrauð og bruður sem innihalda að minnsta kosti 50% heilkorn reiknað út frá þurrefnisinnihaldi vörunnar.	- fita, hámark: 7 g/100 g - heildarmagn sykurs, hámark: 5 g/100 g - natríum, hámark: 0,5 g/100 g - trefjar að minnsta kosti: 6 g/100 g
22.	Pasta (ekki fyllt) sem inniheldur að minnsta kosti 50% heilkorn reiknað út frá þurrefnisinnihaldi vörunnar.	- natríum, hámark: 0,04 g/100 g reiknað út frá þurrefnisinnihaldi vörunnar. - trefjar að minnsta kosti 6 g/100 g reiknað út frá þurrefnisinnihaldi vörunnar.
23.	Morgunkorn og músli sem inniheldur að minnsta kosti 50% heilkorn reiknað út frá þurrefnisinnihaldi vörunnar.	- fita, hámark: 7 g/100 g - viðbættur sykur, hámark: 10 g/100 g - heildarmagn sykurs, hámark: 13 g/100 g - natríum, hámark: 0,5 g/100 g - trefjar að minnsta kosti: 6 g/100 g
24.	Mjöl, flögur, grjón og brotið korn sem innihalda 100% heilkorn reiknað út frá þurrefnisinnihaldi vörunnar, og kornklíð.	- trefjar að minnsta kosti: 6 g/100 g
25.	Grautur og grautaduft (fyrir duft eftir tilreiðslu) sem inniheldur að minnsta kosti 50% heilkorn reiknað út frá þurrefnisinnihaldi vörunnar.	- fita, hámark: 5 g/100 g - heildarmagn sykurs, hámark: 5 g/100 g - natríum, hámark: 0,2 g/100 g - trefjar að minnsta kosti: 6 g/100 g